

Beiheft

2

S 927

1297 Mai 31.

[76]

Der Ritter Hermann von Wilsen verkauft eine Hufe Wrilwic im Kipl. Billerbeck an das Stift Varlar.

Nos Hermannus miles de Wullen et Bertrardis uxor nostra omnibus praesentia visuris notum esse volumus, quod nos de consensu et plena voluntate nostrorum liberorum et cohaeredum, videlicet Hermanni, Everhardi, Henrici et Beatricis ac Hermanni, filii antedicti Hermanni filii nostri, rationabiliter vendidimus mansum nostrum in Wrilianc³⁾, dictum Coradine, situm in parochia Billerebeke, cum omnibus suis iuribus et attinentiis, qui jure proprietatis nos contingebat, venerabilibus viris domino praeposito et conventui in Varlar pro propriis bonis pro V marcis et dimidia legalis monetae ac eisdem receptis, numeratis et approbatis resignavimus dicta bona coniunctis manibus in figura iudicii liberi, libero iudicio praesidente Joanne de Dabeke, libero tunc comite, in manus domini Joannis de Schuttorpe tunc prioris, Erponis tunc cellerarii et Everhardi tunc custodis in Varlare vice et nomine praepositi et conventus ecclesiae in Varlar jure haereditario pro propriis bonis perpetuo possidenda, ab eodem totaliter recedendo, obligantes nos et nostros haeredes in his scriptis eisdem praeposito et conventui ad perpetuam warandiam. Ad cuius facti testimonium nostrum sigillum praesentibus est appensum, praesentibus et protestantibus sculteto de Billerebeke, Henrico de Euclon⁴⁾, Engelberto libero comite de Stenvorde et Stacio naturali filio domini Hermanni. Datum et actum anno Domini M^oCC^oXCVII^o, in die Petronellae virginis.

Kopie im Varlarer Kopiar S. 57,58.